

**PROCESVERBAL- TIPI I KONTRATËS - MALL**

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE  
KRITEREVE PËR KUALIFIKIM**

OBJEKTI I PROCEDURËS: Blerje materiale konsumi;

KODI PËRKATËS NË FJALORIN E PËRBASHKËT TË PROKURIMIT (CPV): 24300000-7;  
24315000-5

VLERA E FONDIT LIMIT: 1,271,431 (një milion e dyqind e shtatëdhjetë e një mijë e katërqind e tridhjetë e një) lekë pa tvsh

Në bazë të nenit 21, pika 2, të Ligjit nr.162/2020 “Për prokurimin publik”, i ndryshuar, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, autoriteti/enti kontraktor **Albanian Gas Service Company SH.A** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

**I. KRITERET E VEÇANTA TË KUALIFIKIMIT:**

1. Kandidati/ofertuesi duhet të dorëzojë:
  - a. Sigurim oferte, sipas Shtojcës 4;
  - b. Formulari përmbledhës i vetdeklarimit, sipas Shtojcës 9

**Argumentimi:** Kërkesat e mësipërme janë përcaktuar bazuar në nenet 76, 82 “Formulari përmbledhës i vetdeklarimit”, në nenin 83 “Sigurimi i ofertes”, të Ligjit Nr.162/2020 “Për Prokurimin Publik” të ndryshuar, si dhe në nenin 30/1, të VKM-së Nr.285, datë 19.5.2021 “Për Miratimin e Rregullave të Prokurimit Publik, të ndryshuar.

**2. Kandidati/Ofertuesi duhet të dorëzojë:**

**2.1 Kapaciteti ekonomik dhe financiar:**

2.1.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për tre vitet e fundit financiare ku vlera e xhiros për të paktën një nga vitet e periudhës së kërkuar duhet të jetë jo më e vogël se 40 % të fondit limit të marreveshjes kuader.

**Argumentimi:** Kërkesa e mësipërme është përcaktuar bazuar në nenin 77, pika 3 të LPP, si dhe nenin 43, pika 2/c të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, si dhe në legjislacionin e fushës në fuqi, përkatësisht në Ligjin nr. 29/2023, "Për tatimin mbi të ardhurat" i ndryshuar, Ligjin Nr.25/2018 "Per kontabilitetin dhe pasqyrat

financiare” i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike" i ndryshuar, si dhe në Udhëzimin e Ministrit të Financave nr.26, datë 08.09.2023, "Për tatimin mbi të ardhurat", i ndryshuar.

Përcaktimi i këtij kriteri dhe i vlerës përkatëse është bërë në përputhje me kufijtë e përcaktuar në rregullat e prokurimit publik. Paraqitja e një dëshmie të lëshuar nga administrata tatimore shërben për të vërtetuar besueshmërinë dhe kapacitetin financiar të operatorit ekonomik, nëpërmjet nivelit të xhiros së realizuar në një nga vitet e fundit financiare.

Ky kriter është i nevojshëm dhe proporcional, pasi i mundëson Autoritetit Kontraktor të vlerësojë aftësinë ekonomike dhe financiare të operatorëve ekonomikë për të përballuar detyrimet që rrjedhin nga një marrëveshje kuadër e kësaj natyre dhe përmase. Njëkohësisht, ai nxit operatorët ekonomikë që, përpara paraqitjes së ofertës, të vlerësojnë në mënyrë realiste kapacitetet e tyre financiare dhe mundësinë për realizimin me sukses të kontratës.

## 2.2 Aftësitë teknike:

2.2.1 Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 20 % të vlerës së fondit të limit të marrëveshjes kuader.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik dhe/se fatura tatimore të shitjes të deklaruara në organet tatimore, ku shënohen datat, shumat dhe sasi të mallrave të furnizuara,
- për përvojën e mëparshme të realizuar me sektorin privat, operatori ekonomik duhet të paraqesë faturën përkatëse tatimore të deklaruara në organet tatimore ku të shënohen datat, shumat dhe sasi të mallrave të furnizuara.

**Argumentimi:** Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenit 55, pika 4/b të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën që AK kërkon të realizojë, prandaj është kërkuar që mallrat e mëparshme të ngjashme të jenë në vlerën jo më pak se 20% të vlerës së fondit limit të kontratës, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me kapacitetet e tyre kanë realizuar kontrata të ngjashme me objektin që prokurohet në vlerën prej 20% të fondit limit, në afat dhe me cilësi dhe rrit besueshmërinë mbi përvojën që ka ofertuesi në treg. Përvoja e ngjashme është një tregues tepër i rëndësishëm, ndaj operatorët ekonomikë duhet të paraqesin dëshmi të tilla si referenca/fatura tatimore për ta provuar kryerjen e tyre qoftë me sektorin privat dhe atë publik.

2.2.2 Operatori ekonomik duhet të paraqesë Çertifikatë për Sistemin e Menaxhimit të Cilësisë ISO 9001:2015 (ose ekuivalent), e cila duhet të jetë në fushën e objektit të prokurimit.

**Argumentimi:** Kërkesa e mësipërme është përcaktuar bazuar në nenin 79, pika 1 e Ligjit nr. 162, datë 23.12.2020 “Për prokurimin publik”, si dhe në nenin 44 “Kërkesat e Cilësisë” të VKM-së nr.285, datë 19.05.2021 “Për Miratimin e Rregullave të Prokurimit Publik” i ndryshuar.

Nisur nga norma ndërkombëtare që përfaqëson ISO-ja 9001:2015 “Sistemi për Menaxhim të Cilësisë”, aplikohet për kompani të ndryshme përfshirë këtu edhe shoqëritë që ushtrojnë aktivitetet tregtar në fushën e pajisjeve të sigurisë dhe veshjeve mbrojtëse pavarësisht madhësisë apo kompleksitetit që ato kanë ose fushës së veprimtarisë që ato ushtrojnë. Vendorsja e ISO 9001:2015 na shërben për të na treguar sistemin e administrimit të shoqërisë, zotësinë e operatorëve ekonomikë për zbatimin e kërkesave të vazhdueshëm të tij për të siguruar konformitetin në zbatimin e kërkesave. Disponimi i kësaj ISO-je rrit kompetivitetin, besueshmërinë dhe performancën e subjektit tregtar në treg, ndaj duke qenë se është e lidhur ngushtësisht me objektin e prokurimit dhe nuk kufizon konkurrencën, OE duhet ta paraqesin atë.

2.2.3 Operatori ekonomik duhet të paraqesë skeda teknike/data sheet/katalogun e prodhuesit ose fragmente të katalogut vetëm për mallrat sipas numrave perkatëse në specifikimet teknike, shtojca 6 e DT: Nr.1, 2, 3, 4, 5, 54, 55, 56, 59, 60, 61 ku të pasqyrohet qartë malli me specifikimet teknike që ofrohen me specifikimet teknike të kërkuara nga AK-ja. Fragmentet e katalogut duhet të tregojnë qartë që janë pjesë e katalogut. Të dhënat teknike, të paktën ato të kërkuara në specifikimet teknike duhet të jenë në gjuhën shqipe (të përkthyer dhe noterizuara).

**Argumentimi:** Kërkesat e mësipërme janë përcaktuar bazuar në Ligjin Nr.162/2020 “Për Prokurimin Publik”, i ndryshuar, në pikën 6 të nenit 40 të VKM-së Nr.285, datë 19.5.2021 “Për Miratimin e Rregullave të Prokurimit Publik” i ndryshuar. Kërkesa që operatori ekonomik të paraqesë skeda teknike (data sheet), katalogun e prodhuesit ose fragmente të katalogut për mallrat e përcaktuara në shtojcën 6 të dokumenteve të tenderit, është vendosur për të garantuar verifikimin e përputhshmërisë së produkteve të ofertuara me specifikimet teknike të kërkuara nga Autoriteti Kontraktor.

Duke qenë se objekt i prokurimit janë materiale konsumi dhe pajisje që përdoren në mirëmbajtjen e tubacioneve të gazit, të cilat paraqesin rëndësi të lartë për sigurinë dhe funksionimin normal të sistemit, është e domosdoshme që të sigurohet transparencë dhe saktësi mbi karakteristikat teknike të produkteve të ofruara.

Paraqitja e dokumentacionit teknik nga prodhuesi mundëson një vlerësim objektiv dhe të krahasueshëm të ofertave, duke shmangur interpretimet subjektive dhe duke garantuar që produktet përmbushin parametrat e kërkuar si materiali, dimensionet, funksionaliteti dhe standardet e cilësisë.

Kufizimi i kësaj kërkesë vetëm për disa artikuj të veçantë (sipas numrave përkatës në specifikimet teknike) është bërë në mënyrë proporcionale, duke synuar vetëm ato produkte që kanë ndikim më të madh në sigurinë dhe performancën e punimeve, pa rënduar në mënyrë të panevojshme operatorët ekonomikë.

### **Kërkesa të tjera të veçanta për kualifikim:**

2.2.4 Operatori ekonomik duhet të deklarojë se do zbatojë rregullat e percaktuara në Kodin e Etikës të AGS SH.A lidhur me realizimin e objektit të kësaj kontrate. (ky kod është i publikuar në SPE se bashku me DT).

**Argumentimi:** Kërkesa e mësipërme është përcaktuar bazuar në nenin 40/8 të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar ku parashikohet se: Autoriteti/enti kontraktor, përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës.

AGS SH.A është një shoqëri shërbimesh operative, përgjegjëse për kryerjen e veprimtarisë së mirëmbajtjes dhe shërbimeve teknike për Trans Adriatic Pipeline AG sipas Marrëveshjes së Mirëmbajtjes midis Trans Adriatic Pipeline AG dhe AGSco. Ndaj AGSco në marrëdhëniet me biznesin, bazohet dhe ndjek parimet e besnikërisë, korrektësisë, transparencës, efikasitetit dhe tregut të lirë, parime këto të percaktuara jo vetëm në legjislacionin e prokurimit por edhe në Kodin e Etikës të shoqërisë. Në këtë Kod janë përcaktuar edhe rregullat mbi (praktikat korruptive, favoritët e paligjshme, marrëveshjet e fshehta dhe kërkesat për përfitime personale për veten ose të tjerët etj.), që grupet e interesit (përfshirë ofertuesit) duhet t’i vlerësojnë nëse ato kërkojnë të bashkëpunojnë me AGS SH.A, prandaj përpara se operatorët ekonomikë të ofertojnë duhet të njihen dhe marrin përsipër t’i zbatojnë këto rregulla. Për më tepër, argumentojmë se këto rregulla nuk bien ndesh me rregullat e prokurimit publik, prandaj është vlerësuar nga ana jonë edhe vendosja e kriterit se operatori ekonomik duhet të vetëdeklarojë se do zbatojë rregullat e percaktuara në Kodin e Etikës të AGS SH.A që kanë lidhje me realizimin e objektit të kësaj kontrate.

## **II. Argumentimi i termave të referencës dhe specifikimeve teknike**

Specifikimet teknike të materialeve të konsumit janë hartuar në përputhje me nenin 4, pika 38/b dhe nenin 36 të Ligjit nr. 162/2020 “Për prokurimin publik”, si dhe me nenin 40, pika 2 të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, dhe janë të njëjta me ato të marrëveshjes kuadër të vitit të mëparshëm nr.152/7 prot, date 29.10.2025.

Ato janë hartuar në përputhje me nevojat reale të institucionit në funksion të mirëmbajtjes, riparimit dhe garantimit të sigurisë së tubacioneve të gazit. Për shkak të natyrës së veçantë dhe riskut të lartë që paraqet puna me rrjetet e gazit, Specifikimet teknike janë përcaktuar duke marrë në konsideratë edhe standardet e sigurisë, qëndrueshmërisë dhe rezistencës ndaj kushteve të ndryshme mjedisore, si lagështia, korrozioni dhe ndryshimet e temperaturës.

Specifikimet teknike janë vendosur duke u bazuar në standardet e përdorimit profesional, duke synuar sigurimin e produkteve cilësore, të qëndrueshme dhe efikase në përdorim. Përshkrimet janë të përgjithshme dhe funksionale, duke mos favorizuar marka apo prodhues të veçantë, por duke garantuar konkurrencë të hapur dhe të barabartë ndërmjet operatorëve ekonomikë.

Përcaktimi i parametrave në tabelën bashkëlidhur si përmasat, materiali, kapaciteti, funksionaliteti dhe paketimi është bërë për të siguruar përputhshmëri me kërkesat teknike të punës dhe kushtet e përdorimit në terren. Materialet si izoluesit, lubrifikuesit, bllokuesit e filetave dhe produktet për mbylljen e tubacioneve janë specifikuar në mënyrë të tillë që të sigurojnë hermeticitet, qëndrueshmëri në presion dhe përputhshmëri me gazin dhe ujin e pijshëm, duke parandaluar rrjedhjet dhe rreziqet potenciale. Veglat dhe pajisjet e kërkuara janë të përshtatshme për ndërhyrje të sigurta dhe efikase në terren, duke garantuar manipulim të saktë të elementeve të tubacioneve dhe minimizim të rrezikut gjatë operimit.

Specifikimet janë hartuar në mënyrë të përgjithshme dhe jo diskriminuese, duke mos favorizuar marka të caktuara, por duke garantuar konkurrencë të hapur ndërmjet operatorëve ekonomikë, në përputhje me legjislacionin në fuqi për prokurimin publik. Do të pranohet cdo mall ekuivalent me ato të kërkuar për sa kohe plotëson specifikimet teknike të kërkuara nga AK-ja.